

兩
浙
名
賢
錄

兩浙名賢錄卷三十三目次

德業

明二

巡撫都御史李文舉昂

禮部右侍郎謝鳴治鐸

貴州布政使周文濟津

刑部尚書閔朝瑛珪

蘄州太守向中美錦

陝西鹽運使倪廷瞻頤

廣東按察司副使劉公琦瑋

工部尚書陳希冉雍

河南右布政使陸克深淵之

山西按察副使吳世安道寧

河南右布政使蔡潮

廣東按察司僉事金達卿達

父澤附

福建右布政使吳德翼昂

工部右侍郎江景熙曉

光祿寺正卿陳子文煥

吉安府知府朱君佐謙

廣東按察司副使施聘之儒

刑部右侍郎顧德伸遂

都督僉事陸鶴齡松

右僉都御史陳崇之世良

工部左侍郎沈以安節甫

工部主事戴時化鰲

工部右侍郎嚴應階時泰

工部侍郎方庶

弟年秋附

太僕寺少卿馮鳴陽應鳳

廣東按察司副使許子喚嶽

太平府知府吳望魯一儒

江西按察司副使吳宗乾源

吏部侍郎陶虞臣大臨

禮部尚書孫志高陞

工部尚書潘時良李驥

刑部主事陸元晉杲

張恭誠用

山東左叅政馮元卿

缺功

子伯禮附

高郵州判官姚景暘旭

大理寺左少卿商尚德爲正

太醫院使朱宗魯儒

湖廣布政司叅政王宗魯泮

兩浙名賢錄卷三十三目次終

兩浙名賢錄卷之二十三

東海徐象梅仲和氏謨

南湖陸澄原嗣端氏閔

德業

明二 共三十八人

巡撫都御史李文舉昂

李昂字文舉，仁和人。天順甲戌進士。成化二年出知青
州。先是政弊民勞，逃亡接踵。昂至，問疾苦，首劾賊吏，置
於法。暨請積盜，一切焚棄，殆盡。量貧富均徭，後募民開

田而緩其課人不能償者官代之輸值歲大飢昂捐分糴復慨然曰民已枵腹行將填溝壑其何及耶遂不俟請開廩以賑不足復移歲輸助之繼勸富民粟爲粥以飼餓者全活甚衆旣而法吏以不請論昂歎曰民旣生全罪復何憾自効乞罷 上下部議詔所移粟與輸官同特加獎慰昂尤慮飢饉後民不能畊循行阡陌貸與之具其憫矜無告者闢廬棲之時給服食問吊藥槥建漏澤園於關北俾道殣者託瘞焉流移復歸外封附者輻湊博興一邑至占三千餘戶父老歎曰不圖今日

復見富公也。尋忝闕省政。歷藩山東河南。擢都御史。遷撫江右。時信豐安遠武平上杭等處劇賊陽九隆等倡亂。昂奉命統兵討之。先聲所加。民夷讐服。境寓悉平。兩廣狼狽夷叛。江右湖湘閩浙羣盜乘間竊發。事下廷議。衆共推昂。乃命建節率諸道兵往討。併制六藩。昂親統大衆深入賊巢。斬獲以萬計。散處諸脅。從於襄漢境上。得賞死者八千餘人。捷聞。賜手勅褒之。改督漕運。創開康濟等河。濬安平黃河諸源。未幾卒。勅賜祭葬。陰其二子昂長材遠略。所至輒多德政。始於一郡。終及六省。

兩淮而救荒之政青民迄今頌之以比富鄭公云

禮部右侍郎謝鳴治鐸

謝鐸字鳴治台之太平人舉天順甲申進士第入翰林
爲庶吉士授編修預修英廟實錄成進侍講謝病居
數年弘治初召修憲廟實錄乃起供職擢南京國子
監祭酒動以身教每嚴約束疏請增楊龜山從祀而黜
革盧吳氏請別祀叔梁紇魯督顏路孔鯉配之以全倫
義皆不果行尋致政歸以薦擢禮部右侍郎管國子監
祭酒事買官廨三十餘區居學官以省餽直皆出夫皂

顧役餘悉籍爲公用。諸生有死者，請京府致賻，給驛歸。其喪先是國學自會膳，不行膳，夫輸役，遂爲祭酒常費。鐸乃盡籍貯於公，不私銖髮。奏均給其屬，與諸生之貧者，餘爲修治圯廢之需。至今行之。修歷代通鑑纂要，命爲潤色。官論黜晉隋胡元之統，識者避之。上疏引疾，給驛以行。正德庚午卒。特贈禮部尚書，謚文肅。鐸孤介寡合，性氣屹屹，嗜義如渴，見不善若將浼然。家居孝友，自違養後，輒無意仕進。少從從父學，師事終身。其父贈君嘗捐祭田三十畝，鐸買田代之，而以其田分諸弟及供。

家塾間以葬族之貧者。修宗譜。構墓廬。爲合族計。燭黨
知識困乏者。皆有周卹。然實無長物。惟節俸入爲之。其
居恒第疏食水飲而已。爲詩精鍊不苟。力追作者。文尚
理致。謹體裁。考訂評騭。多前人所未發。所著有續真西
山讀書記。伊洛淵源續錄。伊洛遺音。四子擇言。元史本
末。宰輔沿革。國朝名臣事略。尊鄉錄。赤城新志。及詩集。
論諫錄。燈枕稿。歸夷雜詠。總山集。祭禮儀注若干卷。

貴州布政使周文濟津

周津字文濟。慈谿人。登成化甲辰進士。楊學士守陳一

見奇之曰此濟世才也授行人時北虜臨邊假貢獻以
覘我虛實廷議推津往諭之虜見津風神皎然詞義峻
整齧指羅拜而去轉南京河南道御史監龍江瓦屑二
樵務中貴百計啖之不可得守備巨璫蔣琮欲求一見
無由致之一日治具蕭寺托津同僚相邀津及門始知
卽策馬返出知九江寬徭薄賦洗冤澤物汲汲如不遑
在郡九月巡按御史周進隆以瑞州盜起切質縣令蔡
津改任郡民赴闕乞留不許津行老稚攀送哭聲震野
抵瑞卽疏捐逋賦與民更始而賊首王武感津德化諺

罪自新擒其黨劉洪等以獻一州遂平無何逆瑄用事惡津不附已二次罰米輸邊共八百石計無所出瑄民爭先代輸津令家人歸鬻產以償轉江西左叅政歷陞雲南右布政時土官那代兒殘嗜殺白骨以澤量津爲鎮巡畫策卽擒以伏辜滇溢爲患隨濟隨塞蓋源廣未狹勢所必至鎮巡屬津治之津謂必鑿漢版諸壑始保百年無事乃徙其居民而鑿之開子河以殺其勢滇遂永利至今未幾疾作忽有紅光自天墜於庭俄頃卒

刑部尚書閔朝瑛珪

閔珪字朝英，烏程人。天順甲申，登進士，選授山東道監察御史。成化六年，擢江西按察副使。已而改廣東，進按察使。庾嶺介南雍，南安間三境爭田不決，珪方會勘，衆忽嘯呼爲變，人勸珪少避。珪不動，徐爲處決，令下三境，胥悅，各散去。新會民嘯聚山谷爲亂，珪出諭以大義，賞其逋負，遂安堵如故。時江西南贛盜起，擢珪都御史，巡撫其地。至則具疏盜賊之作，皆巨室是由，請連坐之。仍革豪右橫取之弊。京官由是多不悅，賄通嬖倖李孜省，譖珪不勝其任，遂左遷廣西按察使。弘治初，召復都察。

院都御史巡撫畿甸。尋進刑部侍郎。四年以都御史總督兩廣軍務。番萬諸蠻獍相繼爲亂。督其下討平之。其討古田也。都督馬俊及叅政馬鉉敗死。時以致敗自俊等珪引咎自劾。時議又欲濟師。珪謂罪自首惡。乃設重購緝之。已而賊果自縛以歸。珪又歸功於下。進南京刑部尚書。尋改左都御史。掌都察院事。加太子太保。遷刑部尚書。珪前後在法司。屢治大獄。皆會切情法。加以仁慈。則無寬濫。遼東指揮張天祥襲殺虜爲功。大理少卿具一貫當其罪死。會天祥死於獄。孝宗大怒。欲置一

賁重辟珪與都御史戴珊進曰一賁推按不實罪當徒
上怒不解珪力爭曰法如是足也一賁罪止貶官宜撫
遠妖人李道明蔓延數百人巡撫者欲張大以爲功珪
識罪止道明餘悉縱免正德初逆瑾用事遂請老卒年
八十有二

蘄州太守向中美錦

向錦字中美慈谿人舉進士除東流令從容不見設施
而民以安裕御史以循吏薦擢鳳陽同知值歲大侵侍
郎王瓊承命賑濟按籍給散惟土著者得食流民多碑

死錦閔之白於瓊爲計口給食數萬人無一譁者瓊特
疏薦之陞南禮曹出知蘄州府安南夷黎飯因國亂脅
居民百餘越屯蘄界中欽州以獲寇申御史御史方集
其功夷皆論死錦審之皆携老幼提篋筐籃縷無一兵
仗力爭於御史以爲夷人越界罪止首惡餘宜遣還御
史怒以受賂失出奏其後事雖得白而錦竟免歸合浦
產珍珠採取費鉅萬錦一無所私歸橐蕭然馮轉運志
迎勞之曰若子者真蘄州守也以所居讓二弟得葑田
築室其上雖落不捍風雨夷然安之錦博學強記爲詩

遇盛唐有寓廬集左氏咏和梅百咏竹坡稿

陝西鹽運使倪廷瞻

倪頤字廷瞻海鹽人天順丁丑進士任工部都水司主事治泉山東改兵部武選司調兵陝西俱有聲用大臣薦超擢懷慶府知府懷慶財賦累年多逋負而境內盜賊滋蔓自蒞政後逋賦悉完盜賊屏息歲適飢賑貸有法民無流徙以禮法敎治藩府軍校妨民者皆斂戢有造飛語誣頤下西廠窮訊一無驗事解名益彰內外章薦之遷河東陝西鹽運使吏部尚書尹旻請之曰

河東重地知君廉慎老成暫借一行耳願留妻倚母獨
携一子之官盡去鹽池宿務利澤大盈鈔趾之法懸而
不用未幾解任歸居家孝友天至君親喪廬墓有白鶴
來巢

廣東按察副使劉公奇瑞

劉瑋字公奇海鹽人成化甲辰進士授行人選御史奉
勅督兩淮鹽政兼沿河道瑋執法嚴所司有阻壞鹽法
者奏擬戍邊遂著爲令時兩浙山東水旱疏請賑以鹽
筴餘銀全活者甚衆高郵湖風濤不測時時壞運船及

客舟歲不下以千計。於是築堤四十里沿堤別爲裏河。通漕運。名康濟河。至今賴之。免覆溺之患。按廣西大去。賊吏擢廣東按察副使。聲績益懋。正德初請老。卒年六十九。瑋孝友。薦靖恭恪端嚴。終日危坐。望如泥塑人。論者方之叔泰。俊爽不及而重厚過之。

工部尚書陳希冉雍

陳雍字希冉。餘姚人。成化甲辰進士。授工部主事。改刑部。法比詳練。尚書白昂倚重之。遷湖廣僉事。分巡荆南。監利大盜黎彥斌父子五人出沒蘆荻中。聚衆至百餘。

雍擒其四子彥斌遂出就獄壽王之國保寧道由荆南
宜都知縣歛民千金餽王雍捕治知縣而責金還民中
官欲暫駐夷陵畏雍卽急去正德初歷遷山西右叅議
晉副使時奄瑾擅政厚望諸司以貨雍獨不與通瑾有
異父女弟談適布政孫逢吉生子聰官兵部司務狡猾
多智瑾倚爲謀主凡僞作詔令多出其手自謂力能生
死人氣張甚大臣莫不柔色下之四方餽遺相望於道
聰渾源州人也雍初補山西時以省帥故盛供具邀雍
飲雍託疾不赴履任後又不以書謝聰大憾之造爲蜚

詰聞瑾將中以奇禍會瑾敗得已聰亦坐誅詔下兩廣籍其家雍奉法以治株連一無所逮遷廣東按察使少傅梁儲家在南海子次懿驕橫殺人兩臺交章發其事并及諸戚稍爲調護輒中白簡詔遣官覈之皆顧望莫敢斷雍檢故牘嘗當次懿謀殺人從者不行減行者一等而殺人時次懿已赴京里狀月日明白因歎曰可避言而故重坐乎卽如前擬奏上得允聞者服其公廣州有鴨步稅供制府犒士雜用商鴨者動以數萬計縱之蹂踐禾稻莫敢問問者輒被罪雍革其稅并取鴨步志

焚之民賴以安。遷河南右布政轉貴州左。擢都察院右副都御史。撫治鄖陽。值歲飢。爲請太和祠稅。周給之。衛卒爲暴於均州。有司捕治。聚衆逆拒。雍移文詰責。卽共縛賊魁鄧聖等首服。一州以寧。乞休。不允。會乾清坤寧官災。詔湖廣四川貴州三省採大水。擢雍工部右侍郎。兼左僉都御史。領其事。雍上疏乞休。并言採木之害大。略言採木不費金。致木費金。致木之費不苦。雇直苦。侵輒今請以兩法行之。中材仍故事募商。自致巨材。官採之以庸法。徵金募願往者。謹給直寧飽役夫。毋飽宿滑。

詔勉留雍卽下部議如雍策雍徧歷三省鑿山通道沐
霧露被榛莽至險仄處拾車援膝爲行度高下遠近以
程功力見役者必溫語慰勞之衆大悅咸勸於事三年
巨木至京師者數萬而民不言疲官成賜白金彩幣蔭
一子入監讀書尋擢南京工部尚書致仕歸家居十餘
年年九十所司以例請賜羊酒存問雍厚重簡默數歷
中外四十年卒以恩禮終

河南右布政陸克深

陸淵之字克深上虞人成化中進士授禮部主事尚書

陳文卒謚莊敏不協輿論乃引馬光論夏竦事劾之
時多其直未幾出知敘州府歲大侵發粟數萬斛以賑
郡多淫祠悉毀之以祀前代之賢者諭民富孝享其先
不宜崇惑靡費暇則進諸生講明理道興起者甚衆寬
程省訟四境大治卽白羅夷民亦帖然向化敘人至今
俎豆之後叅政河南進右布政使卒於官同寅檢其篋
筒僅餘俸金二觔耳淵之篤行好學詩文有古意書善
行草居喪不出戶限家無宿儲或干以非義堅拒不納
部使者移檄爲建坊亦固辭之其捐介如此

山西按察副使吳世安道寧

吳道寧字世安先爲溫州之渾頭人國初以閭左徙實
南京父維成化初官溫縣教諭嘗夢於黃河中流蓋樓
因曰吾當於河內起家遂占籍河內而道寧果以禮經
魁河南丁酉鄉試戊戌登進士第授盩厔縣知縣迎教
諭公就養雞鳴束帶先侍教諭公七箸而後出生堂皇
公是役束帶侍立杖屨間不命之退不退也教諭公復
時時訓之曰爾知事父以孝抑知愛民以慈乎羅一邑
之惟以奉一人是謂志養非升斗之爲是沾沾也道寧

奉教故悉心拊循而百姓感戴過於父母考最召拜監察御史巡鹽河東先是河內民奏開廣濟渠不果及道寧勘鹽引十萬應否克給河南官軍俸糧者道寧曰俸糧一省利廣濟渠一府利均爲國家至計吾將兩成之達諸河南兩臺檄下所司重舉如雲渠成如雨溉田數十萬頃巡按真定四府墨吏望風解綬去時開州有巨寇魚肉一方交結姦姦莫敢譴問道寧設法捕獲戮諸市曹人心大快陞山西按察司副使整飭雁門等三關兵備創築寧武新城及沿邊堡寨俱募軍克實武備一

新邊人至今賴之。未幾以徵疾乞骸骨歸。時廣濟渠通塞不常。道寧因邇流窮源。相度地勢。直至五龍口。歎曰。使渠由此而行。數世之利也。今未二十年而塞。蓋創始者失地利耳。遂白諸當道。達廣濟舊渠。三四里許。別開利人渠。五年而復成。水利至今賴之。濟水初達府城東。流入河道寧。因行渠。見其南流。曰。此古蹟也。豈可與今利而忘古利哉。復修架橋六座。新流從上。濟流自下。二利並行而不悖。優游林下三十餘年。無疾端坐而逝。年八十有九。臨終不及已事。第謂諸子曰。汝等不須憂貧。

但教子孫讀書做好人耳當時以爲格言

河南右布政使蔡潮

蔡潮字

臨海人弱冠業詩更業春秋浩博精詣於

書無所不窺弘治乙丑舉進士第選翰林庶吉士改兵
科給事中慷慨敢言中外想望風采遷湖廣按察司僉
事奉璽書督學湖湘轉貴州又奉議貴西南荒微蠻
聚兵革相尋時清平苗寇據香爐山以叛勢搃全省
潮毅然躬鎮其地扼吭擣虛竟底蕩平自鎮至省城七
十里而遙重岡複嶺崎嶇險絕旅行者歷數舍無所息

肩乃爲之十里一亭翼然相望迄于今庇其蔭不衰尋
轉福建右叅政奉勅督理糧儲悉心擘畫軍儲給而民
不勞泉漳二郡樹大事碑以表其功他如萬里林鹽田
谿飛鸞嶺諸地昔皆魑魅魍魎之窟潮胥相其險隘輒
爲梁涂蔽以亭宇一旦芟薙爲康達秩滿轉河南右布
政使道出建陽時朝天橋燬於火民以舟渡多沉溺公
私爲病聞潮過號泣遮留願復橋以濟潮惻然弭節驛
庭解衣爲倡聞者爭助之卽日掄工授成筭視舊有加
落成而後去人擬之端明萬安云及蒞汴凡注厝悉務

寬平與民相休息。兩河當四通八達之區。盜賊充斥。下令郡縣。道周悉植榆柳。縱橫各以行列。賊騎卒難於出沒。而百姓亦賴其薪蒸。未幾具疏乞休。五上始得允。既歸。徜徉山水。淘寫吟咏。逍然樂以終日。不事家人產。而販貧周急。則終身無倦色。凡有便於人者。必盡心力爲之。而後已。自筮仕以至蓋棺。四十餘年。如一日也。卒年八十有三。潮性孝友。好讀書。未嘗一日釋卷。爲詩文肆筆而成。求者靡弗應。短章片簡。率寓箴誡。不爲無益語。所著編次名言二卷。判義六卷。對偶菁華一卷。藏於家。

廣東按察僉事金達卿達

父澤附

金達字達卿其先鄞人也曾祖真以閩右徙實京師達幼承家
占籍上元父澤累官南京都察院右都御史達幼承家
學以尚書舉弘治丙辰進士除陽信縣知縣以豈弟稱
三載考最擢太僕寺丞改禮部主客進祠祭員外郎陞
廣東按察司僉事大帽山賊累年爲患達率兵徃征一
戰而擒其渠魁林貴等斬首千八百級且盡善後便宜
數十事四境迄安堵千里之內無藉衣當路以爲材方
嚮大用而達念都憲老遂乞身歸日侍左右竭盡色養

之誠都憲安之忘其老及卒旦夕啼泣如嬰兒達爲人
魁梧傲儻有材略平生見人之乏必周之遇人之厄必
拯之設有不及如痼癰在身其令信陽也前令負官緡
妻子久繫幾庾死達立爲償之復厚贈而歸其孥一時
翕然稱爲長者以爲宜登年載福以食其報而僅得中
壽以死說者每致疑於天道云

福建右布政吳德翼昂

吳昂字德翼海鹽人六歲而孤性端穎嗜書聞海寧祝
先生萃者解官授徒四方學者多從之乃短褐草鞋從

一老蒼頭負書走數十里投贄進謁祝先生一見歸之
昂荷知己感激奮發鏤心鉛槧業大就弘治乙丑舉進
士授宣城縣知縣宣城人弗善耕織昂教之耕織不三
年而民無凍餒者更新建新建則寧庶人宸濠所居也
方宸濠未敗時坐擁王號驕橫莫制日張爪牙索民租
甚刻民不能堪遂結寨丁家山以拒之宸濠大譴曰新
建人反諸大吏在會城者莫敢言昂獨以爲民幸有敵
而然不可以反名乃昌言曰進曰始吾有疑於此民之
敢於抗大王也乃今知此民非有反於大王也愚者徇

財以忘生。惜者勢極而生變。此可以理法散。非可以威
力驅也。乃人丁家山。呼父老論以禍福。諸父老皆頓首
謝。應時解散。而宸濠獨慙慙然。謂昂偏袒新建人也。已
而歲大飢。公私無備。民大困。昂立捐補法以賑。而全活
者幾數十萬人。尋轉南刑部主事。以忤司寇乞歸。起南
兵部武選司主事。陞福建按察司僉事。福寧有訟妻殺
夫者。昂疑其獄。禱於神。夢一小兒據其腹。昂曰。殺此夫
者。必杜福子也。踪跡之。果有杜福子。與其夫賈殺而攘
其貲。捕之一鞫。輒服。妻得不死。閩人以爲神。超陞福建

叅政晉右布政使三疏始得休既歸不復從章縫游或
扁舟或徒走混迹漁樵間意甚適人或狎之亦不較晚
年尤究心鄉曲利害歲飢數爲請賑海隄爲患特疏於
朝得專勅水利憲臣經理迄今賴其保障邇向所從受
業祝先生者死昂奔赴喪次寢苦枕塊擗踊號哭如子
喪父說者謂今人古道復於昂見之不啻空谷足音云
工部右侍郎江景熙曉

江曉字景熙文昭公淵之子也舉正德戊辰進士主考
王文恪高其才以爲宜在詞林曉以文昭公在南京乞

便定省授南兵部主事改武選考滿轉職方司員外郎時虜入白洋口設謀防禦曉功居多虜退賜彩幣一襲陞車駕司郎中時武廟巡游無度傳旨啟關無間晝夜曉日宿於公凡違例者悉不與仍定例則條奏若爲令調吏部稽勲司郎中同僚多飭威儀而曉坦夷率性維持正秉公留心人才臧否每冢宰咨及必直言會有候選百餘人咸稱稽勲公而怨考功私而刻冢宰深然之由是爲同僚所忌無何而考功忌者轉文選郎中遂出曉爲山東布政司右叅政士論甚不平曉欣然就道

惟以盡職爲念。每出行部。卷筭必露檢。而後入。自傳金
之外。一介不受。歲歉。議奏免民租。仍加賑濟。又嚴追餉。
匿錢穀數十萬。故糧不愆期。而民不告勞。陞山西右布
政使。值歲大侵。太原平陽民多轉徙。曉極力安輯。賑濟
全活者以萬計。時曉聲望日隆。然孤介自守。頗不悅於
當道。歷三年。始遷應天府府尹。憂歸。復起尹應天。歲大
旱。蝗不遺種。乃發長平倉。暨屬邑預備倉穀數萬石。分
賑之。全活亦數十萬人。晉工部右侍郎。大工方興。奉勅
督理帑藏。常不給。部議加派各省。曉曰。濫費孰若節用。

之爲寬民也。今夫匠冗食而物價低昂，不歸徒爲勢要奸商之資耳。乃諭司屬簡其人平其價，量工稱價，盡裁內官監所估，且防檢嚴肅，乾沒者束手。諸工畢舉而費用不耗時。肅皇帝將建承天，命內官監沿途搭蓋行宮，令曉先往巡視督理。既蒞，群出京已，復有欽改駐蹕程次，增寓慶都、新樂、栢鄉、磁州、湯陰五處。禮部尚未刊布，先馳吏報曉曉隨照新定程次行。操按陸珣胡守中速辦以須。駐蹕已，則兼程詣諸州縣督有司晝夜促迫，事皆有緒而守中弗知也。恐緩不及事，乃先圖奏罪於

曉還諫獄奪職爲民曉念家屬復徵服闋道次京師逢
士民相訝曰是前日建視公也爭具有輿送之蓋曉直
奉命而南也恐扈駕者衆有司供億不支自備乾糒道
遇止受廩米三升故民感激若此曉旣歸角巾野服闕
戶省愆無何而胡守中以罪弃市士林稱快自曉被誣
臺諫多不平然讒人在位未敢顯言自是累疏交薦無
虛歲而曉竟以徵疾卒卒十三年 穆宗改元用舊諫
言肅尚書祭葬悉如制曉妻髮登朝數歷中外所至功
見言信而文學政事端然爲士林所推天性孝友事父

學生養沒哀情逾於禮兄贈弟碑卒無嗣俱悉力喪事
教其繼子廷承已廢白首怡怡無間言聲色貨利一無
所染惟玩索經籍考覽本朝文獻鄉郡沿革與夫神聖
野史地理醫方罔不旁搜以此自老所著有瑞石稿十
卷歸田錄十卷春秋補傳十五卷傳於家

光祿寺卿陳子文煥

陳煥字子文餘姚人以進士歷官工部主事改南京禮
部員外郎歷禮部儀制郎中陞廣西右叅議雲南提學
副使湖廣右叅政江西按察使晉布政使入爲光祿寺

卿致仕煥天性淳厚居官以仁恕爲心至義所不可不爲苟同富在淮時武宗南幸巨關悍將從所過大索賂莫敢違者煥曰禍福命也何以賂爲弗賂亦不及於禍在廣右分守柳州猺獍出沒爲患恭將沈希儀領兵界上欲誅之煥謂之曰猺不可盡雖兵之亦不能止其患不如以恩信撫諭之遂與希儀入其境召諸酋長更爲約不犯則賞之諸酋長大悅聽約束終其任不敢犯柳州滇南土習與中土異煥教之切切惟安貧執義以廉節爲先率之自躬士由是嚮方肅皇帝之駕幸承

天也。所遇有司，或坐供帳，不具得譴劾。廣撫臣以奉聖
事，檄煥煥條其巨細，罔不飭備。一時以爲能遂簡督修
顯陵，殫力程工，務極壯固。稱上旨，告成，詔進一階，有
金幣之賜。一日渡漢江，大風雨，舟幾覆，衆擁煥泣，煥神
色不動。指顧舟人分拯溺者，活數十人。竟以無虞任江
西。獨四年安和寬簡，官民便之。吉水豪某者，依山阻水，
恃力與有司抗，乃逮至庭下，察之，憐人也，貸其死，宥之。
卒改行爲良民。所行每若是，光祿典內府諸膳饈，中貴
率溢額以需，煥披籍應之。中貴頗不便，因構語中傷之。

煥遂稱老乞致仕歸。煥之所履兩逢大狩一治。顯陳他人或惴惴慮不免而煥皆因之以有譽名。柳夷之章宜恩以樹威。漢江之危急人而忘已。吉豪之獻捐文以得情。蓋仁厚性成而智足以行之者也。卒年七十三。

吉安府知府朱君佐諫

朱諫字君佐溫之樂清人弘治丙辰進士初知歙縣以幹治稱艱去服除改知豐城治如歙以彊項失上官意又次始遷知武定州復以事忤巨璫走慙逆瑾瑾怒將中以奇禍聞者胥爲諫恐而諫視事自若曰禍之有無

數也。瑾其如我何。會瑾敗，免遷南京兵部武選司員外郎。郎中時，贛州大帽山賊延袤閩廣數千里，中多谿谷，賊憑巽害，時出爲民害。朝議食曰：「非朱武選莫可治。」贛者遂知贛州府。蒞任無十日，卽舉兵壓賊境，下令曰：「能捕賊者，卽以所得賊貨責之，官無所與人懷利。」兢赴敵，殲其魁，俘黨惡數千百人，諫度其窘，遣使招徠之，俱倒戈降。因散置於安遠、龍南諸處，給之牛糧，俾耕以自食。賊感激，遂爲良民。以功，移知吉安。吉安巨鎮，素稱難治，又豪惡數家，倚宸濠爲虎狼，前後二千石皆憚濠，置不

同諫憤然曰守何爲者而能坐視鼠輩橫若此也且王
府何爲悉械繫之按如法時濠叛謀寔成諫計卒難告
變則諸餉募兵浚湟修垣人莫測其故會丁內艱歸歸
二年而濠果叛御史王守仁既稔知諫所爲至是謀討
濠曰吉安朱守之所預備者也合是安所圖功乎乃趣
吉發兵卒擒濠守仁嘗移書歸功諫諫頻感曰宗室負
恩古今大惡不幸而吾慮中朝廷方流涕行誅敢以爲
功耶服除甯遷自以仕途寡諧遂謝事不出時年五十
有四諫孝友純篤處三黨悉有恩自奉儉約少之餘積

輒施以利人。嘗見芳林嶺峻險。人苦負挽。卽於海濱平
衍處。覓路餘三十里。行旅以爲便。東山渡當鄞台旣括
之衝。水駛而深。渡而溺死者。歲不下數十人。諫造巨舟。
移渡山內。自是民不虞水死。平居手不釋書。究心經典。
其令豐城也。蔡虛齋督學江西。與論諸經。及河圖洛書
之旨。至夜分。握其手曰。吾始見君。製作謂爲詞家。繼見
政事。謂爲能吏。乃今而知君理學中人。也。其爲世儒所
推許如此。所著有學庸圖說。李白詩註。宋史辯疑。詩詠
雁山江心二志。

廣東按察副使施聘之儒

施儒字聘之、歸安人、以尚書舉浙江丁卯鄉試、明年上春宮、時逆瑾擅權、播弄人事、號正直者多遭斥逐、編戍之禍、乃託疾歸、教授吳門、瑾誅之明年、爲正德辛未、入奉廷對、賜進士出身、拜監察御史、出巡山海關、改巡應天、會有都城門卒故出入權貴、法當遣戍、權貴請之、不聽、反論奏、儒有言逮治下詔獄、羅織備至、竟無他左驗、以微罪奪職、肅皇帝入嗣大統、詔起廣東按察司僉事、兵備潮惠間、潮惠故盜藪、擁衆多者至數千人、沿

山結寨互爲聲勢官府不能禁爰招撫曾無何復劫掠如故以爲事體不宜輕動幸毋爲大耳儒至部勒復目漢達官軍密授方略分道進剿直抵龍川山悉平之明年平新田寇又明年平姚子園寇皆斬獲二千級以上遂請設惠來大埔二縣賦於是無所逃遁今潮惠之間民得老老長幼不聞徵發不事金革者儒之功也擢福建參議兼行矣當路者請量加儒憲職俾得終事潮惠間而儒亦曰我思用廣人比命下得授廣東按察司副使整飭兵備如故先是惡少航海者持鴿鳥之東夷得

二十金卽訖言。齊嗜鵠可射。利輦百爲羣。奔走乾沒。有以資產易一鵠。契成揖讓與之。不色吝者。郡廢耕織。鵠若狂儒。卽斥言此鳥妖也。不可長。特嚴禁捕。鰥首事數十人。置之法。閱數月而後定。有陳給事者。與儒同年。居鄉橫甚。爲怨家訟之朝。行廣東覆按。儒直怨家而論陳給事如法。夫權貴意遂落。職歸。居數年。與湖守劉天其商湖中稅輕重。不相準。以故民多逋負。日以流移。而吏課殷。劉毅然以均稅請於朝。得如議行。今所謂惠潮大計一書。信大計也。已又請割烏鎮地立爲縣。雖不得。

行竟得該通判一員專制其土至今盜徒盜賊有所懾
壓而不至大爲奸宄者儒之議爲之倡也其施德於地
方非淺鮮矣所著有學庸臆說等稿藏於家

刑部右侍郎顧德伸遂

顧遂字德伸餘姚人正德丙子舉於鄉明年成進士授
刑部主事 毅皇帝將南巡伏闕疏諫廷杖幾斃 世
宗登極嘉其忠陞俸一級歷本司員外郎郎中出知寧
州值歲大歉出金糴果適官分道煮粥以食餓者徧遺
糧旁郡約無遏糴民賴全活者數百萬人明年夏復亢

早遂竭誠禱之雨隨注民爲建喜雨亭以志德治旁民
居火作烈甚遂創卹拜之火尋滅治惠五年法嚴政平
民戴若父母遷廣西副使兵備賓州等路以父憂去服
除改福建副使兼督海防時議造戰艦禦賊遂謂濱海
居民處舟若家寄跡於商乘間爲盜計莫如籍海舟於
官以便稽覈卽以巡捕事付之省費數十萬至今以爲
利遷廣西右叅政分守思恩方土目爲亂勢頗披猖遂
親督行陣斬獲酋首餘寇烏散遂曰使賊畏我而退不
若悅我而服也乃單騎之界上招其餘黨諭以利害昭

示恩信皆脩首聽約束以功遷貴州按察使進湖廣左布政使督修顯陵事竣三錫金幣晉右都御史建撫遼東坐累左遷山東叅政再遷廣東右布政使尋陞右副都御史提督江右閩廣等處軍務晉南京刑部右侍郎掌部事務以伸冤最暴爲心有監生朱環誣坐殺人罪久不白遂慮得其實奮筆釋之百戶劉羽兇暴狡黠殘賊善類且交通權右爲城社衆莫敢誰何遂按擒之即日斃之獄至今人猶以爲快會太夫人卒聞訃奔還哀毀成疾竟不起年六十有六遂資敏質厚平生未嘗

輕毀譽人敦倫尚義日不暇給撫仲弟孤如已子姪磨
幼失恃歲携之官教育有成魁乙未會試族黨聞里無
不稱爲長者云

都督僉事陸鶴齡松

陸松字鶴齡平湖人父瑋以錦衣官從 獻皇帝就國
故得事 肅皇帝於藩邸及 肅皇帝之登極也詔襲
龍諸舊臣皆世其官松以副千戶世襲歷陞指揮使與
詔獄松端毅重厚平居無戲言時大獄數起而松用法
平恕以保全善類爲心雖 上意所欲嚴譴松堅持之

不爲動。縉紳多賴焉。御史馮恩聞松之卒，爲製服哭之。
曰：「今誰復持平如陸公者乎？」其得士心如此。松性至忠，
以時政得失爲憂喜。每治獄得救免忠賢，歸輒欣然與
妻孥對酒，甚樂。有不如其意，卽默坐弗食。家人不敢問
也。識者謂松憂時守正，有古大臣之風。官至都督僉事。
卒贈都督同知。

右僉都御史陳崇之世良

陳世良字崇之，臨海人。以進士令樂安。樂安俗黽風，
於理良勞心殫思，恩以撫之，威以震之。民畏且懷，時迎。

母就養官舍見良貌瘠勤勞憂形於色及聞民樂其惠
士頌其廉則解頤笑曰吾無憂矣及考績適以內艱去
民越境攀號依依不忍舍服闋補南和治法一如樂安
而益摩厲學官以興教化一時士民蒸蒸向學絃誦之
聲達於四境邑之小戶村田數百畝地下每爲流潦所
浸良築隄障之隄上雜植榆柳以固其基數年鬱然夏
日行旅蔭其下無病渴者又鑿河渠三十餘里引以溉
田遇潦則洩而歸之河無所事棄而畝歲收一鍾先時
牧馬場歲收租銀一千五百緡有奇不問地之肥瘠而

樂徵之小民告病良請於朝得旨隨地量徵減舊額
十之五措置預備倉糧以數萬計窮獨無所歸者有養
婚嫁歛葬不能舉者有助由是逋逃復業者數百戶而
四方流民來歸者又千餘家無不愛戴之若父母縉紳
士大夫交口而頌者無不色喜良獨泫然曰恨不令吾
母見也考最召拜監察御史時逆瑾干政竄逐忠賢良
憤然抗言之爲瑾所忌尋遷南京大理寺丞未幾瑾中
以事調贖米三百餘石衆皆吊之良不爲動瑾敗首從
良大理卿尋晉右僉都御史兼管緡江憲度振肅一時

倚以爲重。適流賊猖獗。良悉心防禦。朝夕申明號令。刻期督戰。所至克捷。屢疏乞休。口不言功。及得請。卽飄然東歸。杜門却掃。日與賓舊徜徉湖山間。若將終身焉者。後以薦起。應天府尹。堅卧不應。卒於家。所著有青嶼稿若干卷。藏於家。

工部左侍郎沈以安節甫

沈節甫初名之歷。以字行。更字以安。烏程人。嘉靖己未進士。於時分宜在事。欲援之中秘。使人授指。不應。乃授禮部儀制司主事。曹務甚簡。日閉戶讀書。考究本朝故

實曾有疑禮無不取。喪主部務者深相倚注。高、新、鄭雖名相亦引重。顧時自貴倨。會以事詰責主政甚厲。節曰：「上下之交有禮何至是？」輒令掾史以故事白。且曰：「沈郎中云：『新鄭不能奪也。』而時多玄撰。猶屬節具草。且曰：『是該司事。』」節持弗具。會又有旨建祠禁地。令黃冠祝釐。節曰：「茲卧榻側而令羽人闖出入非祖宗防微至意。」又持弗建。新鄭義不能難而具以此失。上旨恚甚。節移疾避之歸而喪其母。服未除。卽家拜光祿丞。踰年赴召。則新鄭以首揆攝冢宰。益貴倨。諸附麗者益踰檢柙。復

移疾避之又二年新鄭去明年始出補尚寶丞則江陵
爲政於時多用贅征士或軟熟就牢籠者而節質本強
項三歲始量移本司少卿旋轉卿於南蓋自爲郎秩六
品至是十九年始進一階耳無何而奪情起公卿臺議
同聲貢諫節浩然歎曰三綱淪矣遂上書封公願長乞
身奉林壑封公不許不得已勉之南都或基之曰吾曹
故事不得無書抵政府節與謝不從江陵母入京取道
秣陵送迎傾都邑獨節一人不出竟致仕歸又四年而
江陵卒詔起南京通政司右參議尋擢貳事常進尚光

祿卿復改卿太常有薦新疏謂國初本取諸畿內遠近
并新且徒耗郵傳飽中人橐耳宜改派北不報已陞南
大理卿刑部右侍郎無何召爲工部左侍郎署堂事俄
念尚方非時宜素不可程首輒請止一切傳造不報自
是輒數月一傳奉節輒持之上亦輒不報節乃引

祖訓一款凡內官內使傳青各該衙門具本覆奏再得
旨然後施行則覆奏而未得旨者其不可行明矣亦竟
不報然節亦竟以此持不行五請而始得旨上竟爲
裁省諸奇巧難成者歲省費不貲漸比不登奏賦繼進

五之一歲運亦減三爲二兩運所寬率三歲省一而隆
爲德亦不貲適安樂工興抗疏請罷且言陛下亦宜奉
性氣慎起居以防不測忠懇所發蓋腹心重臣難言之
者水衡錢大盡在預支節庶其情不預給姦商大窘而
王蓋臣者其魁也猶挾貴近人居間不得且見法一給
事聽不審顧論節不宜重困蓋臣節志口吾以法杖一
訛法之商何至頰白簡遂直疏居間狀且言法不可機
宰乞臣骸骨而預支端必不可開遂得旨如節言當是
時中外竦然服上神聖明察而節之守正不阿爲貴

近所憚因言者乃益著節於河渠講求最久往來問河
所浮射分合潮洩處甚悉一切隨宜修救俾無薄陵無
梗漕勢盡曲中多苦心而廷臣紛紛上便宜節一意持
審不欲妄爲國家興大役乃疏言近日河患在河身日
高高在清口則淮水不得出爲祖陵憂高在鎮口則
關水不得出爲運道憂必有以治河身之高爲上策其
次開淤餽使黃蘗淮以安祖陵開韓家莊使洩關水
以保運道爲中策若其他妄更置者爲無策於是請議
置寢獨韓莊接筑而漕艘安流分黃導淮而祖陵無

志節嘗言人須辦得真爲國家之心毀譽恩怨不入於
胷中而後可以論天下事誤在咸寧年餘謬謬守功令
上下無援而獨以身障狂瀾摩切黼辰關持人主左右
雖幸聖明優容然亦艱貞以厲矣卒以父喪去居喪簡
出足跡不窺城市終其身節清真澹素食不兼味衣不
重帛動止尺寸森然擁書一室累歲月不厭朝章國典
鉅細精研真有得於寧靜淡泊之旨自爲郎至符卿十
九在告出亦多在南自黜卿至司空僅五年而乞身章
至十五上每云吾官旦夕可去而後無負官使朝廷無

百輕之大臣而朝廷重其指可親已事封公屢奉旨有
聲語不露氣謹候七箸微不憚即徬徨無容身地謫老
而猶若孺子然其行於俗有義田有義學有宗老會無
年之七十以上者所著由醇錄行於世所集琬琰廣錄
西吳琬琰錄紀錄彙編古文類抄并他疏議碑記雜著
文若干卷藏於家節之汰也赴吊者不遠千里山陰王
相公南阜鄧公至歎節古相寒松不可再見太倉王相
公常稱節朝市中隱淪豪傑中處子時論以爲尤
工部主事戴時化贊

廣贊字時化奉直公橫之季子也橫有子子伯贊伯贊
嘗爲儒乃屬勸治買事贊入城匿僧舍中聚書而讀過
目輒不忘日誦數千百言此伯仲相繼舉進士茲據馬
發傳諸經史百家言無不研綜爲文下筆滾滾無停馬
養廉庠序中乙酉舉於鄉入南太學乙未成進士授王
郎都水司主事治徐州洪洪故有二道外洪大石驟蹙
小者輓砥時時礮舟殺人而時洪則紆迴滯澀沙石壅
閉不可以舟又堤岸善崩隄而窪者大半贊至則礮舟
經責琢其巉岩碎其礧積直其捷曲拔其壅塞以開通

路延袤二十里許。船艦上下如履平地。舉數十年積蓄。一旦夷之如決。瘴餘故有義倉。業已圯。蕭輒修建。厩宇儲積。粟麥以備艱凶。適明年大侵。發粟得二十餘萬石。闕洪數千家。賴以全活。無一人轉徙者。餓莩盈野。召募夫與之粟。而瘞之。數日而盡。逾月。四方大疫。而徐不瘥。財。權。衛。之。力。也。會父降生之辰。以不得親上壽。觴爲恨。歷請於當事者。求得謝事歸省。不許。輒涕下。爲之不食。更。瘳。鬱。發。病。死。蕭。事。父。極。孝。而。卒。死。於。孝。議。興。不。議。廢。哀。之。平。生。好。觀。古。書。墳。典。不。去。手。出。爲。詩。文。雄。俊。警。世。

不作經人語有少山集若干卷藏於家

王部右侍郎嚴應暉時奏

嚴時泰字應暉漢子陵之裔世爲餘姚人登元德辛未
進士授深陽縣知縣邑人張湛者素兇悍睚眦殺人莫
敢誰何泰庶得其實擒而置之法召拜南道御史以爲
晚例改鎮江府同知轉福建塩運司使有涪州場者與
島夷相隣恃鯨波之險三十餘年課賦不輸莫敢奪
泰曰爲君之吏奉君之事豈可以風濤之故而自沮哉
遂揚帆抵場旬餘輸稅以萬計陞雲南永昌府知府

得爲新設奉治之以不涖設學校選民與之俊秀者訓之以理義而錫其衆惡莫不畏威懷德有舉不知名之誼以功陞山東兵備副使時水旱頻仍民艱粒食待賑奏停起運民稍甦息又多方設法賑濟充甯之民活者數十萬壞接黃河不時於駛泰經略有方水患頓息轉廣東參政以從征安南功陞福建按察使尋陞四川右布政使未任轉左時建元廟採木於蜀風夜圍維以剛其用白草膏偶燬平之以兵尋以宗室屬籍入絕無爲題請陞南京太僕寺卿期月轉陞右副都御史建德

四川都蠻不靖茶毒西土稱王者十餘人秦出奇兵剿之斬獲千餘人渠魁投首露布以聞加俸二級陞南京工部侍郎引年歸卒年七十有二

工部侍郎方應

弟矩秋附

方應新城人嘉靖辛丑進士授江西南康府推官決郡獄如迎刃以卓異徵例得臺諫應以言責非所任力辭乃授禮部祠祭司主事歷員外郎郎中時世廟有事春官罷朝餘十年所應時時率諸同舍討朝儀而肄習之同舍咸諷應即竟拜無所用垂衣安事綿葛及庚戌

廉人。上拜臨朝。肅相。大宗伯上朝儀。循行無所失。大
宗伯爲雲間徐文貞。階心獨多。應會島夷。數寇與雲間。
首被難。大宗伯言之太宰。則以應出守雲間。應至。至燕。
上海城。朝登陴而夕禦寇。寇無所逞。悉宵遁。復請停銀。
發寬田租。以甦民力。治最天下。陞廣西按察司副使。進
廣東叅政。當是時。大宗伯業入政府。適江南撫臣當更。
置。首推轂。故雲間牛福之。上以爲然。遂進都察院右
僉都御史。治軍督儲如故。肅以兵荒代至。民將不堪。抗
疏數千言。直陳民間疾苦。於時得減賦百餘萬。不啻出。

民。溝。中。中。言。者。罷。歸。穆。宗。改。元。起。南。京。大。聖。寺。興。事。
遷。左。副。都。御。史。總。督。漕。運。請。留。徐。州。商。稅。以。佐。河。運。
如。臯。屯。兵。以。禦。坐。食。歲。計。減。省。踰。萬。紮。令。爲。常。轉。南。事。
工。部。侍。郎。請。老。歸。日。與。仲。弟。少。府。矩。季。弟。與。儀。秋。左。在。
杖。屨。間。時。討。諸。子。姓。而。訓。之。先。禮。義。而。次。文。藝。歲。大。饑。
請。縣。出。倉。粟。以。賑。慮。其。不。任。而。中。道。殍。則。又。出。私。粟。作。
糜。餽。之。松。島。二。溪。當。巨。浸。之。淫。噴。堤。梁。悉。圯。廉。倡。衆。築。
堤。以。備。水。溢。甃。石。梁。數。十。丈。以。便。行。者。間。里。皆。顧。德。而。
化。無。何。而。病。自。歿。死。日。先。期。殮。于。城。隍。衆。蔭。以。備。四。體。

囑家人勿哭。衣棺就枕而逝。時年七十。

太僕寺少卿馮鳴陽應風

父左亭附

馮應鳳字鳴陽。會稽人。生而警敏。有異質。父左亭。青
之曰。此兒類我。遂破產以資讀書。弱冠。饑於庠。文目益
有名。而家日以落。於是外資臆。以佐養。而內益於養。
於學。癸酉。舉鄉試第八人。明年成進士。令永豐。永豐襁
江。逃湖田。時出水下。歲不得粒食。而得鮮。邑以故。突貧
民風至。進父老於庭。問水所惠。若狀爲躬督。版重。樂
堤以擇其流。皆成沃壤。民始不鮮食。而得粒。曰。爲公食。

我遂以名其堤。召拜廣東道監察御史。丁父艱。服闋。禮
陝西時。沐國舍中兒豪奪民田。民洶洶。且羣不逞。以爲
漢愛乃以鳳行部。鳳素有威望。攬轡業已。氣奪至。則諭
沐以舊制。卽檄治其奴。責之歸田。而薄其罰。巨鎮帖服。
兵備副使李材以冒功蒙重辟。繫詔獄者六年。臺省交
章救解。未得會。鳳按滇。應得其狀。遂上疏申理。竟得釋。
人謂鳳一言回天。然鳳不以微德於李。李出亦不諂。當
時以爲兩賢。洎按江右。適無歲。力爲百姓請。命兩兌得
改折價。不騰踴。而民賴全活。其識諸郡獄。必務平反。一

字不妄下。老吏皆咋舌。謝不及事竣。巡視京營。疏請專
司舉劾。稽將領汰老弱。卽卿寺莫敢撓其議者。營務爲
之一新。故事大計羣吏。河南道董其事。時員缺。以鳳協
理。精心咨訪。所廉察時出人意表。無何出理長蘆。離務
時。同郡何繼高爲運使。悉是其規畫。而心服其清。巨鎔
某分理鹽課。眈眈若虎。見鳳輒歛手相戒。以故商竈蒙
利而安。僉曰。天道有知。宜令馮公有子。因範金爲嬰兒。
焚香虔祝。隔代去。無不泣下者。以累勞遷太僕寺少卿。
方具疏乞歸。而疾作。遽死。年六十有二。鳳性剛直。廉既

敢任而尤篤於孝友事父惟力是視以永豐考瑞封公
父笑曰今日養孰與朕曠多鳳猶酸然及卒哀毀過禮
恤宗部之靡室家者掩骼瘞之在道上者曰此先志也
少與葉君實友善而中天相其弟舉於鄉又天家無遺
胤筑筑兩寡命與弟未亡人相依夫第予之田以供終
養鳳凡四奉簡命其所推獎皆名吏謝者以竿牘至曰
此公事吾不任受德悉屏絕之遇親戚欽然道舊亦時
時緩急人然未嘗糾理法以曲徇也竟以無子死丑年
人哀之曰天道無知令焉少卿無兒

廣東按察司副使許子峻

許嶽字子峻錢塘人登嘉靖庚戌進士第釋褐工部主事權蕪湖稅以冰蘖稱歷員外郎郎中出理九江新黃蘆政蘆洲延袤千餘里歲入四萬有奇往多爲魏國金中兒所沒課不登嶽乃抗謂魏國曰君侯荷國厚恩豈享湯沐川澤之利誼不得有所問君侯所不與使者書具在不敢詭法爲使命辱魏國大慚竟無所撓蘆政一清擢河南按察僉事備兵潁上時倭寇維揚揚非所屬連地當事以嶽才檄以戰守事嶽立至危城簡丁壯

據。昨。登。門。命。老。弱。傳。檄。射。車。戰。士。出。奔。破。賊。賊。初。遁。去。
而。危。城。完。先。是。城。門。盡。閉。郊。垌。之。民。以。避。寇。至。者。抵。關。
號。呼。不。得。入。獄。太。言。曰。城。以。衛。民。也。委。民。與。賊。所。衛。幾。
何。乃。親。立。馬。城。門。下。闔。右。而。開。其。左。令。民。魚。貫。入。入。將。
畢。而。賊。至。得。免。於。鋒。鏑。者。數。萬。計。當。事。者。惡。其。異。已。隱。
其。功。顧。構。誣。謫。汙。陽。州。同。知。嘆。默。不。言。同。事。以。爲。難。適。
升。艱。歸。服。闋。補。霸。州。踰。年。稍。遷。岳。州。府。判。岳。城。爲。江。水。
所。噴。築。輒。圯。十。餘。年。不。就。及。獄。董。後。築。輒。圯。如。曩。時。嶽。
呼。天。而。泣。曰。築。城。守。土。責。也。屢。築。不。就。而。屢。踏。吾。民。於。

版築之下如守土何。倘三築不就。請身葬江魚。以謝百姓。夜若有人語之者。曰。亟穿井城中。以灌激潏。城宜就。獄如其言。不踰時而城成。百姓感其冥通。欣然顧化。治遂爲三楚最。轉荊州。調德安。同知府事如故。尋陞常州府太守。常爲南北衝。郵傳日夜往來如織。民不勝供億。多弃室而逃者。嘆調爲令。使至。僅一續食而已。曰。吾終不能利民。膾以媚客。內艱服除。補廣西柳州。柳民與從。值雜居。俗砮麻。憚耕作而喜從賊。峻立命田畷。以勸農。爲首務。自舉趾以遠築場。身行賦畝間。無虛日。有力作。

者卽止道傍以酒食勞之自是野無與草民以殷富也
而從種人犯懷遠戕殺官吏全身震動時議募兵大勦
以震國威峻乃奏記當事者畧曰猶黃大地蠻徒黃扶
法等桀黠異常變詐百出頃受招撫尋復渝盟率眾擄
掠坎城陷邑賊殺官吏驅畧畜產焚燒室廬窮兇虐焰
上通於天竊料賊所恃者山川陰塞巢穴深阻謂我師
深入難援則哨聚急則駭散謂我師追襲難金谿四林
牙寨四港李角龍潭楊銀亮等相爲犄角謂我師并擊
難歷哨難涉蒙茸觀車不過五石背負不過一鍾復積

沮洳障屬毒螫謂我師潛輓難今下方船出潭江出澄
青船載百二十鐘芻藁百束釜饒資械備則師不無繼
而士風飽矣以金谿委羅四港委羅擊融羅擣其虛擊
羅融襲其後則力分而不支勢且不得復合洛客一聞
絕其東柳城一師絕其西賓絕其南懷絕其北則賊不
得復逸而勢將束手待縛矣然後大師屯烏蠻據武興
駐劍鼓壓鳳凰則賊之右臂折塞屏石控僊奕則賊之
左肱斷不十日而諸徒之頭致麾下矣夫利甯長距終
事擇場封豕長蛇必致薦食英刈蕞業無使遺種實此

不治後將滋蔓爲今之計宜先褒崇死事獎勵三軍興
問罪之師嚴首惡之戮解脅從之網則老壯在於曲直
而諸徃墓義安知無吳陽居股以應於中哉記奏當事
者咸嘖嘖稱歎曰諱謂書生無將帥材疏請報可迺檄
五嶺苗狼天姥精銳及下虎符發尺伍各數萬人尅日
大舉而糧餉器械芻交悉取辦於獄獄晝夜籌無一後
時諸將因以獄所上方畧進取屢戰屢捷賊大潰斬首
二萬餘級功上 天子嘉說 欽賜帑金十兩移梧州
梧俗奸訐獄和之以禮析楊爲虛陞廣東按察司副使

飭兵瓊崖。瓊崖居海島中。麤穢荒蕪。與民人錯居。間乃
稀矣。爲患而大盜李茂者。攻椎剽橫行閩廣間。獄乃撫
而用之。郡縣悉平。尋疏上乞骸骨。予告歸外。臣無
干告者。蓋異數也。獄旣歸而於西心之側。營菟裘焉。日
嘯咏其中。大吏造請至門。不見。亦不報。遂撫銅梁張佳
胤顏其堂曰清風高節。君子以爲允。卒年七十有一。所
著有朱陸同源道德解。蒙莊卮言若干卷。藏於家。

太平府知府吳望魯一儒

吳一儒字望魯。歸安人。生有穎質。喜讀書。父以家世業。

廣且窘甚無讀書貲則令號外氏外氏亦不棄儒家妻
者慈憐其志稍資給之學成而游於庠家愈不支則從
里中授章句藉庭脯以養其父母甲午舉於鄉連上公
車不第家益落不可支則挾一經遍走江淮南樵與門
構李間教授生徒資庭脯以養其父母如諸生時庚戌
始成進士授刑部陝西司主事歷員外郎晉郎中守刑
曹若干年盡心平反獄以不冤已而持節省獄蜀中蜀
故西南徼民貧迫飢寒爲盜以米鹽畜牧零星受重稅
者屢相撻儒又盡心平反疏其名以請減死論成者三

百六十四人。囚置驛傳亭障之間。及他輕等者一千三百餘人。其以宿逋除者又千餘人。而獄亦以不寃以數出守太平。太平在輦轂下。號難治。儒又盡心撫循之。痛損厨傳供帳之具。及裁抑勢家。請謁平陵之私。百姓始得帖席。因遇歲侵。曲爲賑濟。儆富鄭公之法。以輯其流。離而瑣尾者未幾。又遇旱。絁衣疏食。徒步請辭者積。旬日夜竟。以過瘁致疾。比卒。貧無以殯。當塗令沈子木爲之殮。閭郡之吏民攀號者累日。相與引縛而遞送之。江得年僅五十。有六儒性至孝。父嘗以事忤邑長吏。簪纓

幾疑且擬之。庾儒力不能解。乃倚邑門而號。不絕聲者五晝夜。長吏憮然曰。人有孝行若此。而可重困。乃父哉。立釋之。而躬自折節於儒。爲知己交。以刑部考封父如其官。里中人相與侈之。且曰。吳翁不及以經教其子。而卒貽之以榮也。如此三子。人龍人豹。人驥俱。肄學官。稱高才人。驥以捍母中盜流矢歿。自有傳。

江西按察副使吳宗乾源

吳源字宗乾。錢塘人。博學有才名。弱冠以文章高等。當廩學官。會同舍生年老需次。輒讓之。益務讀書如故。以

禮經第二人薦戊戌成進士授工部其銜司主事出權
荊州稅以廉稱尋轉屯田員外郎會有太廟之後奉
勅督木運於江淮間不嚴而集無後期遷廣西僉事屬
郡窮寇有掠人妻以邀厚贖者官兵不能制源用間擒
之并滅其黨撫臣以爲才凡入奉謀畫出董師旅多以
屬源閱歲徙江西時贛故所招新民互相殺會有以反
告者幕府議以兵往源謂仇殺新民故事耳激之則易
以滋亂不如遣間諜柔之幕府以爲善卒如源策而民
得免於兵遷福建布政司參議福故以遠阻歲出其所

徵易輕齊市諸物以輸之京而所市物利害相去或倍
蓰管輸者偶值其害卽破家不足償後益逋不赴源至
三分其等爲上中下以極利兼極害者中則自爲一等
不相兼輸者赴便而後益集久之會御史某以清軍至
檄源厚聚賂以貽所赴附源却之竟以是被摺歸源爲
人謙厚簡慎貞亮惠慈故所至並以德稱至於窮研博
極稽攷作述尤爲當世學者所宗云

吏部侍郎陶虞臣大臨

陶大臨字虞臣莊敏公諱之孫少端毅不妄言笑六歲

出就外傳有朱先生者好爲禮使童子習洒掃拂几履
席爽其貴於賤者夏不得揮扇臨獨樂之曰童子分固
當且夫習則不勞靜則無暑朱先生以語莊敏公而奇
之臨嘗問至莊敏公書閣見名臣奏議輒手爲褒錄得
數卷莊敏公益奇之曰是兒其中人也十五應於學官
三十而成進士以射策第二人賜及第授翰林院編修
故相嵩耳臨名欲致之門下數遺其子世蕃候臨輒拒
不見以刺報時與給事時來慷慨慕直言每共揚扞世
務時來大言曰今日世務孰先於去相嵩者因出其疏

草臨讀之曰是爲名計也爲勝之則毋觸縣官諱。泚筆汰其甚者已時來論上不勝下詔獄詰責所共謀。王母青備或傳且誣伏者臨聞之泰然用遣餉藥物醪糴爲偵伺耗息時來謝毋重累故人臨笑曰固也奈何使君獨爲善時來得不死以戍去而臨亦以內艱歸服闋仍故官校錄永樂大典當是時華亭柄政心器臨數引與議國事會世宗晏駕遺詔及他箋表多出臨手華亭益器之以爲才無何以外艱去甫服除召克世廟實錄俄校應天試拜南京國子祭酒未幾以少詹兼侍讀

學士召侍上講讀於春官上踐祚遷禮部在侍既兼學士侍講讀如故上雖在幼冲聖賢不世出臨歷所以教翼之者首講大學謂明明德如磨鏡不真昏翳民如磨衣不真汚止至善如赴家不真遠是在於性真未鑒時擴克善端而已每所陳說至謹天戒法祖孝親歸民隱慎用舍廣咨詢飭邊備諄諄乎有味言之也每進講左右皆目相指而上亦嚴重之亟稱先生而不名改吏部黜陟惟允時稱水鑑未幾以疾卒年僅四十八計開賜祭葬贈禮部尚書諡文僖贈孝友天至既與

伯氏相師友、伯氏數奇、屢食貧、然臨莊事之不、聽以、
仲、適、家、世、二、千、石、產、可、中、上、而、臨、自、奉、極、薄、食、不、過、
、衣、無、重、綵、而、好、施、予、獨、異、是、友、人、朱、黎、家、貧、事、
死、無、子、其、妻、復、以、節、死、臨、先、後、爲、治、喪、葬、養、其、
、言、之、有、司、立、祠、祀、之、曰、節、孝、其、待、臨、舉、火、者、
、以、及、間、之、左、右、無、慮、數、百、家、皆、取、之、若、國、
、言、曰、爲、善、用、極、爲、惡、亦、用、極、譬、之、岐、平、南、
、益、比、嘗、讀、孟、子、至、收、放、心、未、嘗、不、撫、卷、三、歎、
、且、曰、憂、勤、惕、勵、其、古、帝、王、之、心、印、乎、予、允、宜、
、幼、承、家、學、鄉、會、皆、魁

其經居官多善狀稱世德未艾云

禮部尚書孫志高陞

孫陞字志高忠烈公熾之季子生聰穎喜讀書甫就數
千言尤喜爲古文年十六補邑庠弟子時伯堪仲堪
兩兄旣入高等皆十年以長而陞名與頡頏未幾忠烈
死逆濠之變兄弟聞訃誓死赴讐廬墓茹素語在伯子
旌孝集中御史韓君聞忠烈三子賢一見禮重之尤優
奇陞以爲年少而才面談越王臺弔古文墳輝煌慨然
百言韓君驚詫口此今之王勃也嘉靖乙酉鄉薦乙未

舉進士第二人授翰林院編修初丙戌伯子舉武科第一至是人以文武及第爲忠烈之報云晉右春坊中允主南畿試尋陞國子祭酒力以師道自任嘗念諸生性逸難制宜懸格使不犯乃署爲二十二條執行之雖親貴關說弗聽至遇貧喪出果爲助人咸德之陞禮部右侍郎奉勅督建元祐官於舊邸有司以大臣特命乘傳供帳甚具陞曰茲非赤子膏血乎悉揮去惟聲徹數千里事竣還改吏部左侍郎無何以母憂去伯子又道卒陞歸執二食如喪忠烈時服除徵爲禮部左侍郎旋改

吏部左陞樂道人善察可用卽以白太宰不欲其人知也視金帛雖毫末若將浼已人素信之故前後在銓曹無敢有私入一物私干一事者未幾晉禮部尚書以疾卒贈太子少保謚文恪陞爲人孝友天植痛父之死絕手不書寧字不爲人作壽父文母楊夫人年九十陞爲侍郎每公退必稱觴盡飲稍不釋長跽不起事伯兄如父無巨細必稟命坐必侍側終其身不改性恬淡無所嗜好一介之微苟有未安則曰趙清獻必不如是一切不問生計故時登應仕而家益貧尤泊於進取當分宜

專政。陶其門人，乃自吏部乞徙而南。其跡益遠而名益重。平居自讀書考古外，絕不與他曹事。唯以水旱寇賊爲生民憂，至形之詩歌。以風當事者。交游海內，簡直塞合，非其人不得親。然實能容絕口不談人。時又重義好施，貧賤之交賴之存活者數十家。其教諸子，不專文藝，以名節相誡勉。爲文宗兩漢。詩宗杜氏。所著詩文若干卷，藏於家。

工部尚書潛時良季馴

潛季馴，字時良，烏程人。由庚戌進士，授九江府推官，召

拜監察御史、出按廣東、提督北京學校、遷大理寺丞、歷
少卿、始擢督理河道、右僉都御史以言歸、未幾薦起、撫
江右、遷刑部右侍郎、旋進右都御史、兼工部左侍郎、總
理漕河、錄河工、晉太子少保、工部尚書、兼左副都御史、
改南京兵部尚書、叅贊機務、召拜刑部、侍經筵、爲幸
天壽山、奉勅居守、尋罷歸、尋以薦起、爲河道都御史、終
工部尚書、當乙丑河決沛縣、肅皇帝特遣大司空來
衡督治、而命馴副之、馴躬行督相、不三旬而告成、比原
計、月日省十之三、帑金省三之一、庚午、河稍南徙、決隴

旱。漲其陸百五十里。皆蕩爲平野。馴後以故節來蒞事。
而廢址盡復。其所浚築。深厚再倍於故河。而費半之。擯
議與勘河給事左。坐浮議去。去而河決崔鎮以北。淮決
高堰以東。清桃塞。海口湮。而淮揚高寶興埧諸郡邑。幾
漚爲巨浸矣。於是天子思馴功。凡再起再廢治河具。
有成績。其大者。塞崔鎮。隄歸仁。而黃水悉歸故河。築高
堰。黃浦入淺。而淮水復出清口。會黃東入於海。而海口
遂開。後築遙堤十餘萬丈。以爲外護。旣告成。錄其功。所
加築上堤。縷堤。月堤。路堤。長堤。橫堤。守泖堤。寄子堤。凡

三十四萬七千八百二十五丈有奇、磯闕料殿凡二十
有四座、石壩、土壩、月壩、護壩、凡五十一道、濬汚淺、塞决
口、鑿老土、凡三十萬一千一百丈有奇、栽護堤柳八
三萬有奇、前後十餘年、輶車所至、更數千里、馴與役夫
雜處、舂鋤葦蕭間、沐風雨、裹霜露、髮白面黧、而後兩河
合軌、數萬艘轉漕無害、緣河之民始復見室廬、丘壠、煙
火、彌望焉、馴之言曰、通漕於河、則治河、卽以治漕、會河
於淮、則治河、卽以治淮、合河、淮而同人於海、則治河、淮
卽以治海、故竟馴在、矣、止以築堤、東水、借水、攻沙、爲、

全第一義。而其節目細瑣。具載騶所著河防一覽中。始
大夫探圖而覆讀之。且不能竟。卽竟之。而或茫然不得
其要領。嗟乎。是宜馴歿而議者之曉曉也。方馴之督視
也。日夜寄命一葉。往來風雨中。或暴洩。或咯血。或裹道
視事。未嘗以病解。嘗露坐河壩。水忽大至。距其前僅尺
餘。衆皆驚走。馴屹不動。卒無恙。又颶風吸舟入決口。左
右戰泣。無復喘聲。忽有樹杪擁舟底。得脫。明日探之。無
有也。父老立石於河湄曰。潘公再生處。馴壯於河。老於
河。病於河。乞骸之日。猶奉旨與疾行部。且請開夏鎮。禮

河又手疏八事以歸歸已疾革。猶喃喃河防不去。平若馴者可謂以死勤事者矣。馴死十二年而始得諡冊及進官保如例。

刑部主事陸元晉墓 孫基誠附

陸臬字元晉。平湖人。自幼凝重。不好弄。長益端方。勤以有法。雖宴居如對賓客。未嘗有惰容。至其與人接。見其和平。常若有以自下。雖閥閥高華。子孫鼎貴。處之消然。惟汲汲行義。日不暇給也。尤篤於孝友。季兄死。醵月一號。絕而後葬。居父喪。哀號徹晝夜。慘不入口者六日。諡

書往往達旦不寐舉嘉靖丁酉鄉試第四人辛丑舉選
士以刑部主事理漕刑執法不阿與漕臣不合而罷果
畧無愠意且曰得砥修禮訓以式鄉閭豈不若一官耶
乃倡諸子置田八百畝歸景賢祠以周族人曰優老曰
賑貧曰勸庶曰育才曰助婚曰助喪條規甚悉謂之族
田又置田五十畝歸世德祠以供禴祀謂之祭田羣里
族之子弟置塾講業置田二百畝以給稍廩謂之學田
以宗族日繁更徃不支也置田三百畝分贍之謂之後
田平生輕財好施內外宗黨以及朋友無不受其惠多

有割產以食之者。歲首會祭先祠，虔行古禮，召諸子姓，勉以孝弟，有不率者，必以夏楚承之。以故子姓皆馴馴有所化導。又講行鄉約，里中少年，卽有不檢者，耻爲其所聞也。漸皆改行。吳中人士，無不高其義者。嘉靖中，島夷內寇，首建議築城，捐資爲倡。已而寇至，得賴以免。年七十三，無疾端坐而逝。子四：光祖、光祚、成、進士。餘鄉舉。光祖仕至冢宰。光祚仕至陝西提學副使，各有傳。光祚子曰基誠，字存卿，少爲諸生，篤學重義氣。上繼祖志，益這種德。戊子歲大飢，悉發儲蓄以餉族。若戚而偏，擇五

父之衢爲廉粥以食餓者所全活無算後設義冢市糶
積收路殍瘞埋之度大疫之後且有疫豫劑藥餌以
待已而果然以施疫者疫良已自是懸壺施藥以爲常
誠抱長才弗克試而精心饒於爲吏子錫恩成進士全
萬安誠手書親民要畧三十條授之錫恩奉以周旋邑
用大治卒獲報最受封如錫恩官卒年五十有六誠性
簡重平居不見喜愠雖處華胄而風塵泊如自奉節儉
二簋三泔軼五十年不渝而一遇好施則千庾爲額
誦其義者迄於今不衰

山東左叅政馮元卿敏功

子伯禮附

馮敏功字元卿揚州司馬汝弼之子嘉靖丁卯領鄉薦
第三人壬戌成進士授禮部祠祭司主事轉主客員外
郎進郎中遷江西布政司右叅議分守南康九江敏功
行部至南豐而浙兵調者以餉不足方大掠敏功召其
長好諱之曰而與我鄉人也故爲而言一反手間名爲
賊天子檄大軍至蓋粉矣餉不足吾爲若治餉其長
悅敏功卽料倉粟庫錢次第屬於舟使一郡佐導之出
疆而選精銳尾之賊憚不敢動屬友議均田而敏功所

郛多山高下饒瘠異狀乃同善計筭者周行阡陌間計
畝受稅毋得伏匿又爲之平亭其役留籍米三年以才
舉拜山東按察副使飭徐州兵備兼治漕河甫至而河
決靡寧漕艘之阻者數千計漂廬舍人畜無筭敏功卽
受計大吏調士民日夜併作與其下分功任難無何決
塞各就緒漕舟漸通而大風雨彌旬水暴漲諸塞盡潰
湖與河一來攻郛敏功時按部郛下令土其門水遂巡
解敏功乃行視諸決口皆就塞僅月餘而水復漲敗闕
家口以西復築之自是土漸堅實不受侵矣會徐州靈

壁諸邑舊隄潰敏功又受計大吏所獨治者南自曲頭
抵青田八十里北自陸灣至呂梁四十里所與監司曹
郎合治者直河以下南岸幾千丈又自茶城踰華戚山
曹築卑堤一百六十里以遥衛漕河之閘者諸經畫版
築槌木薪土之費與護視斥堠約束惟敏功行之最精
監司曹郎咸則焉敏功素壯盛當其治河時往來寒暑
無間鰲瘠胼胝見者莫辨識遷河南左叅政時少年喜
事者欲從泖口穿葛墟諸山抵南北大湖中界兩長隄
爲運道以示奇柄相以敏功熟於河徵敏功與議且將

屬之敏功。念諸山道約二百餘里。多磐石徑。砂不易鑿。大湖相連十四。不易隄。民力之幾何。而虐用之持不可。乃寢而喜事者。又欲別鑿海通膠河。其視稍稍徑。而中皆高嶺。臣在東土。瘠人疲不勝。甫舉事而驚潰者再矣。乃移敏功。山東敏功議以膠工不易興。且不易竟。卽竟亦終塞。縣官故不乏金錢。奈何悉捐以填無用。而勤此數十萬人力也。撫臣採敏功議。上聞失柄。相意遂舍敏功。而他屬卒如敏功言。費至十三萬金。而無尺寸利柄。相稍惡。沮始用。廷議罷之。而敏功乃歸職。念父老乞休。

已而父母相繼卒。服除。仍故官。改佐漕運。淮之南故有
邵伯。實應高郵三湖相連。爲巨浸。漕舟過者。徃徃多漂
溺。因議漕內河通之。御史大夫王廷瞻疏上。得請。而敘
功。任其難。敘功於河事。故心通而役者皆習其能。工以
故大集。敘功益不愛其精力。水陸奔走。凡七晝夜不休。
遂得疾。將屬續。張甘妻子環泣。屬聲曰。人孰無死。吾幸
獲以勤事死。何憾。呼之。家事不答。第曰。內河成於國計。
甚利。第太逼湖。湖善潰。而隄薄。萬一如瓠子。數百里魚
鱉矣。幸語當事者。剴辭。隄以護之。已而顧其子伯禮曰。

吾死死必有賻。女却而歸。諸官言已端坐而逝。年甫六十。敏功天性孝友。揚州公嘗卒遇盜。敏功冒鋒刃而出之。愛其弟敏效尤篤。事相師。產相讓也。與揚州公俱善。治生而至饒。乃能以義散施。不吝平湖之人。至今咸稱敏功父子。子伯禮字節之。好讀書。負氣節。赴人之急。出貨力如弃糶。裨人以爲有祖父風。弱冠爲郡諸生。屢試不售。遂挾策北上。諸縉紳欽其才。皆虛左以迎。伯禮益不喜一切謝去。獨狎諸文豪。日飲燕市中。醉輒放髮長嘯。或走易水上。尋故高漸離擊筑處。低徊歔歔泣數行。

下見者莫測其誰何客燕六年竟以無所遇卒年僅四十有五說者曰昔燕臺駿骨以死售而馮伯禮俠骨領以不售死士負超軼絕倫之才不得一當知己其坎壈可勝道哉當是時齊吳鮑生應選江右歐陽生瑛俱游都下與伯禮爲文字交時兩生者俱無子伯禮先後出家裝爲兩生買妾各開別館以授之未幾而兩生各舉一子十林以爲美談故於伯禮之卒也天下名士爲執筆吊誄者數十百人而兩生之文尤佳

姚勉中景陽湖之石門人少游尚書補邑弟子員克貢
爲國學生拜官高郵州判官郵故水壑而勉爲判官疏
治水嘗繕完白馬湖諸湖故隄又決隄下通水既並湖出
郵人及往來者皆利賴焉嘗署州事有千戶劉某坐疑
獄論死家苦貧不能贖說會獄疾勉出閤獄次逮劉出
伏庭俸天者再首顧曰呼曰日顧猶在耶左右杖呵曰
何言也劉龍曰某繫獄自以不覩日久竊爲或亡爾勉
異之屏左右問狀劉頓首流涕良久曰某重罪法國當
早戮無赦顧復何言勉覺而詳置之陰令人刺其所爲

狀卽召更徽白御史竟出之郵人以是愈重慕旭然
故喜施雖在官中亦不廢施故人就旭者幸得所欲去
以是鄉曲常連接官署中而旭又不善結納顯者竟坐
是罷然旭不以是更念也歸而益務施無倦色視戚友
旭如外庫然於諸昆弟尤篤諸昆弟或不能守故所分
產其產且盡旭輒割已產與之而旭所自有產實不豐
以故鄉人無老穉皆推旭爲長者卒年六十有五子翼
有傳

大理寺左少卿商尚德爲正

商爲正字尚德太僕卿廷諫之子登隆慶辛未進士第
授刑部主事竊爲江西道監察御史甫三月卽出按南
東故事御史更中差滿始專按部而正以部郎新資爲
之諸藩臬大吏意不謂輒能或匿端試質疑事及見折
簡威相顧失色時膠萊河役起作者漬餼渚中蟲生於
股人情騷然環噪首議者欲爲變正馳往慰定之會奉
詔接驗正上言所穿處石盡水出且汲且挑工力甚費
就令渠成而麻灣海舍淖河各數十里潮漲爲溝渰平
盈尺朝濟夕淤卽別開一道行且復然恐徒糜才力終

無所就。又言倡議大臣乃心國計。願弗以事之成敗。任事者心疏。奏後罷。當時稱其有體。居山東。吏民畏。如雷霆轟然。各在其首。及改秩闕。則盡鍤芒角爲簡。民得日入。愬事。往往奉問。盡得吏奸。良民間曲折狀。權軍衛將暴於軍。軍縛之。懸旂閉門爲亂。正聞變。亟馳檄收衛將庭笞之。衆遂解。已而縛首亂者。斬以徇。一軍服慄。初。臚御史情鵬之按浙也。吏均徭爲條鞭法。至是。鵬聞正謂此善法也。宜通行諸閩中。然且室不利。多慳。正力持之。乃矣。民歌思並祠祀之。稱爲龐父。商母云。未

授以臺憲督學歲內爲備者完已從御史父次擢大理
評右少卿尋轉左時江陵郡政地急材見正明練善持
議論意重之以爲異日可大用數稱美於朝然正益自
力於職事務遠形迹及江陵敗諸任事者率以黨附見
指獨正無纖毫染然正與人言輒曰張公知我人以其
益重之無何乞身歸正從始仕至官九列纔十年耳筆
持斧備歷榮要人謂正材固足以致之不謂驟也性敏
捷強記多所討覽言之皆有條貫時與長官論事輒爲
言往代云何與今時制沿改云何筆畫詳允如宿吏老

宦聞者驚服。既處憲職。所條奏咸中體要。於是執政。稱曰。商御史總鎮材也。而卒以少卿罷歸。論者惜之。卒年七十有六。

太醫院使朱宗魯傳

朱儒字宗魯。其先吳江人。移家秀水。兄弟四人。將析簪鬪。悉以遺業讓之。而自用醫。顯入都。會大疾起。死人無算。貧者不受謝。且給銀錢爲調理費。由是名震遐邇。授太醫院吏目。稍積爲院使。嘗侍疾禁中。一日。上御文華殿。暖閣召儒診視。儒奏。聖體病在肝腎。宜寬平以養。

氣安靜以益精。上首肯之。自兩宮太后及后妃公主有疾。率令中涓言狀。從。僞受方多効。時有大官之賜。一時諸公卿爭延致之。僞自論病。議方。而外語不來。私卽惟笑。移日杯酒相洽。益恂恂自飭。不以昵故有所干。故諸公卿爭爲倒屣。每里中子入都。僞戀戀桑梓。嘗死者輒經紀其家。歸其喪。人皆德之。稱爲長者。年七十五有七卒。

湖廣布政司參政王宗魯

王泮字宗魯。山陰人。嘉靖中進士。萬曆八年知肇慶府。

十二年遷按察司副使分遷嶺西亦濬肇慶慈愛穆
士民見者語次尋繹甚有恩惠未嘗疾言遽色於人而
確然有執錐門生故交無私也好爲民興利興起學校
浚歷水由城東石頂出收皆歸一鍾且束地氣宜有樹
則導後瀝水瀝水入江宜橋之則僑躍龍浮屠於石頂
之上於學官便則建崇禎浮屠通北港利高明則通北
港高明學東空曠宜浮屠於其東郊大葺肇慶陽江學
宮又爲陽春學置田便於士民者爲之不啻飢渴功成
太守時未就於監司竟之亦不幸也肇慶幕府所泊兩

學憲臬使者若四方之賓無日不至饋餼出日易不遺
暇食不致貶已人人得其惟心盡便事悉中窾幕府其
重之府江之後懷賀之後珠池之後皆有勞焉泮性恬
淡自奉如寒士居官廉潔焚香靜坐若禪室然詩辭雅
雅書法道麗有其家右軍右丞之致粵中文士皆來就
正而郡中子弟又時以舉業請則擇程式示之如羣飲
於河各厭其腹以去十六年遷湖廣叅政高要士民無
不遮留泣下者建祠祀之俎豆至今弗替云

